

西平縣志 吳園生署



72771

原主

503

地 150.217

42

部 2:10-10

風平子集卷

桐城吳闓生署

中華民國二十三年歲次

甲戌春北平文華齋鐫板

嘯月山人識立書



西平縣志序

西平爲禹貢豫州大陸之地柏皇氏遺封於此春秋時爲柏子國左氏傳所謂柏與江黃道並睦於齊者也漢置西平縣歷朝湮革分隸不同要之皆柏國地也漢地志稱西平俗急疾有氣勢隋志謂人性躁勁風氣果決尙淳質好儉約吾嘗過其地男耕女織其人皆尙節義重廉恥流風遺俗至今蓋未替也粵稽明時成化嘉靖諸志蕩佚無存清初王鳴燦所創修者亦不可復見惟康熙九年邑宰沈棻所著之志稿閱三十年始繕定鋟行至今相隔二百四十餘載矣文

西平縣志

卷首 序

一

獻缺略多不可徵邑人士以閱時愈久搜緝愈艱乃公議續修而請陳君子衡任其役今觀其所訂體例有正志有附志正志分列輿地氏族經制文獻故實五門悉關乎土地人民政事之大者附志則文徵一門而已君以詩文汎濫廁之正志有乖史例然其中亦有足與正志相參證而不可盡廢者故別爲一編附之志後此則君之特識也竊嘗考周禮大司徒所屬土訓誦訓二職寔爲今方志之權輿其所謂地圖則志之輿地也地事則志之經制也地物則志之氏族文獻也地俗地慝則志之故實中風俗方言災異

匪劫諸篇皆是也星野之說亦出於周禮保章氏春  
秋之時多據星宿躔次以覘國勢之勝敗存亡歷代  
儒先敬守其說至今無以爲非者自天文家以經緯  
度推測天地星野之說遂棄而不復用此志仍存星  
野舊說附於經緯度新法之下參互印證亦考古者  
所不廢也長沙丁氏謂西平緯度爲北三十三度二  
十五分經度爲京師偏西二度二十一分地勢平行  
羣山森列則萃於西南一隅縣治踞洪河東南岸上  
河流交匯環城半週狀如幞頭故城外西南隅號稱  
幞頭灣也南望諸石紅石諸山鬼谷子之遺跡猶有

存焉者乎登龍泉寺山東之走馬嶺畢然想見漢名  
臣郅君章演武之盛今之用武者尙有智勇如君章  
以佐平世亂者乎訪九女山東治鑪城問古治子鑄  
劍之法古之所謂棠谿利器者今果能施於用焉否  
也陳君博學多文觀其續修之作體例嚴正詳簡有  
法度蓋因也而寔創矣一日手其書徵序於余余再  
三觀玩歎爲邑志之所僅見故樂爲之序俾後之人  
取法焉癸酉歲春正月清史館總纂新城八十三叟  
王樹枏

西平縣志評識

西平縣志自康熙以來失修者且二百餘年子衡乃從二百餘年之後追溯而蒐討之使廢墜咸克舉焉其用力可謂勤矣東阿周雲

作者以縱橫一代之才具睥睨古今之識網羅廢隊博問通人窮年互歲成此宏編允爲方志中有數名作其足以裨益史乘者良非淺鮮披覽數四欽佩莫名桐城吳闔生

網羅墜失著爲宏編固是作者所長其尤難能而可貴者則義法謹嚴文詞高潔非學識兼到者不辦饒西平縣志

卷首 評識

三

陽常培璋

吾國著述之最易蕪濫者莫如各省之方志白葦黃茅彌望皆是蓋帖括時代樸學罕見閒有淹通則又相率鄙棄而莫肯爲是以典雅詳贍之方志代不數人其有綱目井井詞采彬彬者不問而知爲通人碩學也吾友陳君子衡以所纂西平志見示閱其凡例首輿地次政治又次文獻以迄故實知爲有序之言文徵別行亦徵特識而攷訂詳審文章爾疋尤方志中罕見之作彼夏峰之中州人物志固當望而卻步矣鹽山賈恩紱題

西平縣志題辭

堂谿之劍天下雄堂谿陳子人中龍陳子清德縣仲  
弓東都氣節開宗風英光炯炯爭長虹一洗鄴北羣  
馬空文筆頗效曾南豐詩才亦近徐迪功壯歲議政  
趨辟雖瑋談潢論震百聾聲如大杵撞洪鐘又如屏  
翳門豐隆鱷魚起舞夔魁降古榴一樹花發紅山人  
嘯月天動容讀書讀律中疊雙網羅邑故搜殘叢五  
運遞興會始終蟻珠的皪捫心匈奮翰裒卑無苟同  
元精昉昉貫鴻濛書成不異劍出銘水剽蛟螭陸剝  
熊此樂宜勝徹侯封熒播澤畔解后逢我之逆旅君

西平縣志

卷首 題辭

四

鄉邦狂歌叱咤驚天蓬耳邊大笏何轟轟君年及艾  
顏尙童我已宣髮先成翁對人骯髒如枯松願君修  
罷縣志再修省志再國志一手囊括古今上下是非  
成敗南北與西東癸酉春淳安邵瑞彭

國門處士恣橫議把酒狂歌星斗墜貫穿經傳談古  
今邀來明月同一醉含咀英華辭鋒烈座客靜聽五  
內折耀文辨道寓誠勸班馬紀載相鉤結西平志成  
付開雕文樸事覈字瓊瑤整理條目列盛典徧搜祕  
籍及民謠各省縣志頗多名士手筆但不載方言是  
一缺點今山人所著西平志增補方言獨  
具隻昔賢刊落多不盡攷合采摭復廣引稽正得失  
眼

鏤心肝博考羣書覃精敏斟酌舊乘思折衷馳騁諸

家稱宗工江黃道柏擅形勢明哲迭起揚高風古榴

齋中一山人等身著述希世珍山人著書計二百八十餘卷訂文

證獻無苟作平易正直見天真務存簡要資一手蜚

語流言笑黃口屬辭比事質勝華千古前端萬代後

二百四十零六年西平縣志自清康熙三十年修訂後至今二百四十有六年纂

修何人姓氏傳經緯治亂邁陽九留教山人續奇編

聞說洛陽紙價貴主張剗刷省浪費山人著書極端主張刻板不注

重活字板活字印本多舛乖愆訛顛倒望生畏梨棗孕蠹

杜板無西平縣志用杜木板較宋元明用棗梨板尤勝十載心力壓洪吳洪亮

西平縣志

卷首 題辭

五

吉涇縣志刊自嘉慶吳汝綸深州志成於光緒二志為縣志中傑作也褒貶春秋縮大

義要記雅負世楷模一部縣志敵國史刪繁滌穢數

陳子寄語當代諸巨公史官典型賴有此中原學者

動汲古微言妙旨繼鄒魯斯文不喪有誰肩天使山

人為砥柱癸酉秋萊陽孫巍

西平縣志修輯職名

總纂

陳銘鑑 字子衡號蓮友別號嘯月山人本縣光緒癸卯科舉人

分纂

陳庭蘭 字芷升本縣光緒乙酉科拔貢

栗廉芳 字敬六本縣宣統己酉科拔貢

趙麟紱 字銘閣本縣光緒丙午歲貢

栗雁名 字書閣本縣宣統己酉歲恩貢

陳旣明 字子哲本縣宣統庚戌歲貢

局長

西平縣志

卷首 修輯職名

六

李毓藻 字文軒本縣諸生

陳庭蘭 見上

副局長

焦明揚 字子健本縣諸生

李鴻勳 字功甫本縣法政畢業生

顧問

陳增銳 字平之邑歲貢 劉照離 字子明邑廩貢 栗瑞昌 字麟卿邑廩貢

趙國楹 字魯卿邑拔貢 朱振玉 字温如邑廩貢 陳少卿 字案臣邑恩貢

焦文炤 字煊亭邑廩生 楊茂松 字子秀邑拔貢

採訪員

坊廓 楊毓桐 耿庭方 楊文方

仙侶 孫連科 高桐崗

重渠 陳濟源 樊應舉

永豐 張儀鳳 彭學禮

留册 楊偉勳 劉景舜

樂業 陳增堦

撫治 榮際春 張之楨 臧廼善

安撫 萬允升 王仿武

新豐 鄭蘭馨 馮廼修

興賢 戴理順

西平縣志

卷首 修輯職名

義亭 劉宗堯 耿廷弼

大堰 王鼎明 武敬銘

崇教 張錫祿 趙子雲

儀封 王金銘 趙啟睿

師靈 朱培高 謝雲漢

王寨 李樹敏 譚步雲

常濟 朱廷輝 鄭良如

范二 袁廷珍 謝建中

里仁 王集勳 張宗瀛

洪村 張弼 郭照離

雲莊 廖崑山 張成五 劉照離 常海明

覆查員

東區 陳同冕 西區 謝建中 南區 戴理順 北區 陳增罈

補查員

焦明揚 鄭長嶺 于碩彥 張鑑藻 張省度

馮學忍 陳潤身 趙從矩 陳鳳池 陳觀鏡

陳子明 陳銘鑄 陳銘貞 劉寶善 陳法良

李鳳至 楊春桐 劉啟漢 李心安 焦天申

繪圖員

焦連鑣 于偉勛

西平縣志

卷首

修輯職名

八

繕寫員

楊銘箴 焦士傑 耿泮林 陳銘鉦 劉永澂

陳嘉謨 陳銘毅 袁思茂 鞠增鈺 陳法廉

王牧鸞 汪慶甲 陳法顥 陳集熙

總校刊員

陳銘鑑

助校刊員

劉永芬 陳法顥

西平縣志募集刊資記

陳銘鑑撰

昔商君有言民可與樂成而難與慮始至哉言乎窮天地互萬古舉莫能外也惟商君之所謂民者乃凡民而非超凡之民焉超凡之民察幾恆在事先而爲善恥居人後孔子曰十室之邑必有忠信孟子曰一鄉之善士皆是也余自壬戌歲承纂縣志閱十年而後脫稿自癸酉春審查蕝事又經三載而後梓行鄉者之事已於自序中略發其端苟弗將刊板顛末瀝述於后不獨無以解眾人之惑亦且足以塞向善之機何也蓋斯志得以壽諸棗梨未致夭折者實皆應

募輸資諸君之力也豈易言哉豈易言哉先是銘鑑監於鉛印各書譌誤百出不欲蹈茲覆轍爲世所訾當志稿甫成伊始曾撰刻板商榷書分致同邑諸君子冀求贊助尋得楊筱亭張與文于紹棠趙華亭焦乾初陳翰五陳峻峯聯名復書一致響應竝經地方政府允籌刊資以爲宿願克償直在指顧閒耳迺或者率謂劖劂古法工拙而費鉅不如鑄字活版巧捷適時夫持此議者志在速成初非不善惜其於此中利弊未能詳審而異論一出反使負有籌款之責者歧路徬徨罔知所措不得謂非意外之阻力也惟銘

鑑視以刻板爲鵠的勢難變其初計適陳君禹祥由晉冀燕余卽以募資刊志之說進禹祥曰善哉立輸白金七百圓未幾劉君鳴梧復助千金于是鳩工雕木之事自此興矣其後陳峻峯張石卿鄭松亭于鏡三李光斗李功甫馮乾初于護支于紹棠趙幼勃張子元諸君聞風景從各以其力之所逮佐以資金而商城周伯猷與淮陽謝隨安兩大令亦以宿官斯土解囊相助夫人之好善誰不如我古人固有言之者今觀諸君子珍護斯文汲汲輸將古人抑豈給我哉溯當刊工過半之際銘鑑曾哀印一二卷郵畧同人咸稱善

本卽向之持異議者亦幡然悔悟寓書銘鑑備致褒慰繇是觀之大氏一事之成必須具有真知復濟以堅忍不撓之志以赴之任經如何險阻艱難終有紆曲到達之一日荀子所謂鍥而不舍金石可鏤者此也若中懷猶豫浮議乘之則萬事墮壞幾無復成功之望矣此吾所以三復商君樂成慮始之言而重有慨也

縣志刻板應募輸資人姓氏名字里居及金額併列左方

名次以輸資多寡與款到先後爲序但光斗及功甫因係叔姪關係特將光斗列前

本縣輸資人如左

劉鳳岐字鳴梧興保下里劉莊人陳國昌字禹祥

常保上里權寨鎮人

以上二名捐額已見正文

陳泮嶺字峻峯

永保上里小陳莊人

二百圓

張廷柱字石卿撫保中

里張灣寨人鄭長嶺字松亭常保下里鄭樓寨人

于廷鑑字鏡三雲保上里盧廟寨人李龍藻字光

斗李鴻勳字功甫均坊保上里縣城內金梁橋人

以上五名各一百圓

馮震字乾初新保下里馮張莊寨人

十八

五圓于金鑑字護支洪保下里泥河張村人于蘭臺

字紹棠雲保上里于樓村人趙澄志字幼勃師保上

里牛廠村人張萬勳字子元里保下里合水鎮人

以上四名各五十圓

外籍輸資人如左

商城周德宣字伯猷

百圓

淮陽謝隨安以字行

五十圓

西平縣志凡例

總纂陳銘鑑撰

一本志分正志附志兩編正志分輿地氏族經制文獻故實五門附志僅文徵一門

一分茅胙土實爲建邑權輿故以輿地列首有地而後人民始有所棲止故次之以氏族有人民而後政制與文化興焉故次之以經制及文獻而以故實一門殿焉此正志也

一舊志雜采詩賦文字名曰藝文殊乖史例本志藝文篇略仿漢書藝文志隋書經籍志纂組而成而於附志中特闢文徵一門網羅遺文以示博收而

正體例

一明成化志嘉靖王誥志經明季兵燹蕩然無存清順治十六年知縣王鳴燦勅修邑乘今亦不可復覩茲編所稱舊志卽康熙九年知縣沈棻原著而李弘植氏於三十年復加以繕訂鈔行者也

一舊志於疆域沿革及山脈河流言之較略本編旁考博稽力求詳賅

一全縣圖保寨堡村莊一一列入冀邑人覽之俱彷彿其室廬所在油然啟愛護鄉土之思

一志內鎮寨村莊第一次調查在民國十三年第二

次在二十年而氏族補查則在二十一年因調查之時與人均不相同故其所列名稱亦微有出入作者除就確知其舛誤者略予是正外餘悉依調查原文編列

一縣居中州腹地向無屯兵設防之事雖有汛官驛傳然把總爲職官之一種驛傳乃郵電之先聲名曰兵防於義未諧旣已散見各篇無庸獨標一幟故本編不載兵防

一地當信許之衝歷來戰事動輒波及自平漢鐵路告成益滋多故本志兵事篇於古今兵事攷述綦

詳

一職官選舉摺紳各篇均分類列表以期醒目惟舊志明代諸貢概曰明經清初諸貢始有恩拔歲貢之別本志於明代諸貢一仍舊次至清乃區分拔副優恩歲五貢俾讀者顧名攷實不致混稱貢生茫然莫辨其所以

一拔副優貢出自試選得之較難故表列於前恩貢次之歲貢又次之

一舊志自清康熙三十年以後迄未續修截至民國二十一年閱時已二百四十有六年文獻缺略徵

考纂難本志清代諸貢表雖依調查所得分類編排惟其間所列次第仍恐難免前後倒置之弊正誤繩謬須俟再考

一志內所載名宦事略與人物列傳性質迥異名宦事略以紀載本地宦績爲主旨但使其人業已去職卽無妨敘入人物傳則括其一生而言之非已故者不得雜廁

一人物列傳各就其行誼相似者合而爲傳或獨爲立傳而於傳贊內略示其義例不采分門別類之法蓋一邑幅員甚小特立獨行之人爲數有限且亦有一人而兼數行者若必強爲區畫實覺配置爲難故人物概以列傳括之

一邑之有志猶國之有史也列傳附贊悉本史法閒有其人事蹟爲正傳所未載而於贊辭中附及之者亦史家之遺法也

一邨憚邨壽伍孚和洽和嶠和洪列傳均錄自漢魏晉隋成書惟贊辭係作者新撰期與他傳例同

一列女事蹟多於本人氏名表內撮要敘注惟表中未能備述者始別爲立傳

一保衛鄉里者曰團防抗禦匪賊因而捐軀者曰義

勇惟團防皆土著者爲之而義勇則不拘土著與客籍而併列之

一舊志紀載風俗僅寥寥數行而方言則付諸闕如作者以爲方言及風俗最足表見本邑民族特殊之精神故增入方言一篇而於風俗實況則廣事搜羅力求詳備以供讀者參攷

一明清兩代進士均有題名碑錄而北平孔子廟內石刻林立猶可覆按茲爲杜絕妄傳起見特將本邑進士科分甲第名次悉予查考明確一一表注一舊志人物均不載籍貫及里居卽其他縣志亦然

作者以爲本志照錄漢書鄧暉魏志和洽諸人原傳旣未便將其籍貫刪削而遷史陳丞相世家曾明載平爲陽武戶牖鄉人史例俱在宜可規放以是凡本邑人物除里居不明者外均詳加記載俾便稽考至名宦傳亦悉改舊志邑字爲西平二字以示明確

一本志各篇起訖處閒有序跋亦有有序而無跋或有跋而無序者或併序跋而俱無者文以義起不拘成格閱者參互印證當自可得其竅要

一文之體裁繁多而大別爲二曰文曰詩要之皆文